



## HAFNARFJÖRÐUR

Heilbrigðisráðuneytið  
b.t. Svandísar Svavarsdóttur, heilbrigðisráðherra  
Skógarhlíð 6  
105 Reykjavík

Hafnarfirði, 28.02.2019  
1806356 RE


### Efni: Fjölgun úrræða fyrir fólk með heilabilun í Hafnarfirði

Hafnarfjarðarkaupstaður hefur ítrekað á síðustu mánuðum óskað eftir að dagvalarrýmum fyrir fólk með heilabilunarsjúkdóma verði fjölgað í Hafnarfirði. Þann 18. júlí 2018 var sent erindi til ráðuneytisins sem síðan var ítrekað var þann 7. desember 2018. Fram kemur í erindinu að starfshópur á vegum sveitarfélagsins sem hafði það verkefni að finna húsnaði sem hentað gæti dagdvöl fyrir fólk með heilabilunarsjúkdóma hafi skilað af sér. Niðurstæða hópsins var að leggja fram húsnaði að Strandgötu 75 sem gæti hentað vel starfseminni og er undir sama þaki og núverandi dagdvöl sem rekin er af Alzheimer-samtökunum. Óskað var eftir samþykkt ráðuneytisins fyrir rekstri 12 rýma en sveitarfélagið myndi leggja fram húsnaðið.

Svar barst frá ráðuneytinu þann 12. desember 2018 þar sem segir að ráðuneytið hafi ríkan skilning á erindinu en sé þó ávallt bundið af fjárlögum og hafi ekki tök á að fjölgja rýmum nema fjarveiting til slíks liggi fyrir. Ekki sé því hægt að verða við beiðninni að svo stöddu.

Með bréfi dagsettu 22. janúar 2019 var ráðuneytinu send bókun fjölskylduráðs Hafnarfjarðar frá 18. janúar s.l. Bókunin var svohljóðandi:

*„Í ágúst 2018 lýsti fjölskylduráð Hafnarfjarðar yfir áhyggjum sínum af löngum biðlistum í dagdvöl fyrir fólk með heilabilunarsjúkdóma. Ákveðið var að stofna starsfhóp sem hafði það eina verkefni að finna húsnaði í Hafnarfirði fyrir dagdvöl. Starfshópurinn skilaði af sér niðurstöðum í nóvember sl. Ákveðið var að taka á leigu rými í Drafnarhúsinu. Í Drafnarhúsinu er nú þegar rekin dagdvöl fyrir fólk með heilabilunarsjúkdóma og þetta nýja rými yrði því viðbót við þá starfsemi. Í þessu nýja rými yrði pláss fyrir 10 - 12 einstaklinga. Á höfuðborgarsvæðinu eru 163 á biðlista eftir dagdvöl og 26 af þeim bíða eingöngu eftir Drafnarhúsi. Með þessu nýja rými hefðum við stytt biðlista í Drafnarhúsinu um tæplega helming. Í nóvember var sent bréf á heilbrigðisráðuneytið þar sem látið var vita að Hafnarfjarðarbær væri tilbúin með rými fyrir dagdvöl fyrir 10 - 12 einstaklinga og óskað var eftir fjármagni sem ríkið á að greiða. Í desember barst svar frá ráðuneytinu þar sem erindinu var hafnað.*



## HAFNARFJÖRÐUR

Sveitarfélög eru ekki skuldbundin til þess að útvega húsnæði en í ljósi vandans ákvað Hafnarfjarðarbær að fara í þá vinnu að finna húsnæði svo að hægt væri að koma til móts við þá sem eru á biðlista.  
Fjölskylduráð harmar þessa ákvörðun ráðuneytisins og fer fram á það að hún verði endurskoðuð.

Í bréfi frá ráðuneytinu dagsett 29. janúar s.l. segir að ráðuneytið hafi ríkan skilning á erindinu en er þó ávallt bundið af fjárlögum og hefur ekki tök á að fjölga rýmum nema fjárveiting til slíks liggi fyrir. Ekki er því hægt að verða við beiðni þessari að svo stöddu.

Fjölskylduráð harmaði þessa ákvörðun ráðuneytisins á fundi sínum þann 15. febrúar sl. þar sem brýn þörf er á fjölgun rýma í dagdvöl fyrir fólk með heilabilunarsjúkdóma í sveitarfélaginu.

Fjölskylduráð óskar eftir því að ráðuneytið endurskoði forgangsröðun sína og tryggi að fjármagn sé sett í þennan málaflokk. Enn og aftur er minnt á að fjölgun úrræða í dagdvöl fyrir fólk með heilabilun er í samræmi við stefnumörkun stjórnvalda í málefnum eldri borgara. Til margra áratuga hefur áhersla stjórnvalda í orði verið að styðja við sjálfstæða búsetu eldra fólks til að draga úr ótímbærum stofnanavistunum. **Dagdvöl fyrir fólk með heilabilun er mikilvægur hlekkur og nauðsynlegur til að eldra fólk geti búið sem lengst á heimilum sínum.** Sérhæfð dagdvöl er ein mikilvægasta meðferðin sem fólk með heilabilun á völ á við sjúkdómi sínum.

Hafnarfjarðarkaupstaður leggur áherslu á að heilbrigðisráðuneytið forgangsraði fjármagni í málaflokkinn þannig að hægt verði að fjölga rýmum í dagdvöl fyrir fólk með heilabilunarsjúkdóma í Hafnarfirði. Þörfin er mikil og áherslan í samræmi við stefnumörkun í málaflokknum.

Í von um jákvæð svör.

Virðingarfyllst,

Rannveig Einarsdóttir  
sviðsstjóri